

ქ. თბილისი

„ 12 “ ოქტომბერი 2015 წ.

საჯარო სამართლის იურიდიული პირი - “სახელისუფლებო სპეციალური კავშირგაბმულობის სააგენტო“ (შემდგომში-“შემსრულებელი”) მისი უფროსის მოვალეობის შემსრულებლის ნიკოლოზ დიდიძის სახით, ერთის მხრივ,

და

საჯარო სამართლის იურიდიული პირი - „კონკურენციის სააგენტო“-ს (შემდგომში-„აბონენტი“) თავმჯდომარის გიორგი ბარაბაძის სახით, მეორეს მხრივ, ვმოქმედებთ რა საქართველოს კანონმდებლობის ფარგლებში, შევთანხმდით შემდეგზე:

ხელშეკრულების გაფორმების საფუძველია „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს1“ ქვეპუნქტი და სსიპ „კონკურენციის სააგენტოს“ 2015 წლის 29 სექტემბრის №02/2009 წერილი.

მუხლი 1. ხელშეკრულების საგანი

1.1. წინამდებარე ხელშეკრულების საფუძველზე «შემსრულებელი» ახორციელებს «აბონენტისათვის» სპეციალური კავშირგაბმულობის სისტემის აპარატურისა და ტელეფონის ინსტალაციას მისამართზე, ქ. თბილისი, დ. აღმაშენებლის გამზირი №154, ბიზნეს ცენტრის - მწვანე ოფისი, მე-11 სართული.

მუხლი 2. მომსახურების გაწევის წესი

2.1. წინამდებარე ხელშეკრულების ძალაში შესვლისთანავე «შემსრულებელი» ახორციელებს ხელშეკრულებით გათვალისწინებულ მომსახურებას.

2.2. აპარატურის ჩართვა განხორციელდება ტესტირების რეჟიმში, ტესტირების ვადად განისაზღვრება სამი დღე. აპარატურის მუშა რეჟიმში გაშვება განხორციელდება მიღება-ჩაბარების აქტის გაფორმებისა და ხელშეკრულებით გათვალისწინებული საბოლოო ანგარიშსწორებიდან 24 საათში.

2.3. მხარეები თანხმდებიან, რომ ყველა პრეტენზია დაკავშირებული წინამდებარე ხელშეკრულების შესრულებასთან «აბონენტის» მიერ «შემსრულებლისათვის» წარდგენილი იქნება მხოლოდ წერილობით. წინააღმდეგ შემთხვევაში «შემსრულებელი» მის მიერ გაწეულ მომსახურებას განიხილავს უნაკლოდ.

2.4. მხარეები თანხმდებიან, რომ წინამდებარე ხელშეკრულებით გათვალისწინებული ვალდებულებების შესრულების შემდეგ „შემსრულებელსა“ და „აბონენტს“ შორის ურთიერთობა გაგრძელდება სახელისუფლებო სპეციალური კავშირგაბმულობით მომსახურების შესახებ ხელშეკრულებით გათვალისწინებული პირობებით. აღნიშნული ხელშეკრულების გაფორმებას მხარეები უზრუნველყოფენ წინამდებარე ხელშეკრულებით გათვალისწინებული ვალდებულებების შესრულებიდან 5 სამუშაო დღეში.

მუხლი 3. ანგარიშსწორება მხარეთა შორის

3.1. ხელშეკრულების ღირებულება განისაზღვრება 2 541.88 (ორი ათას ხუთას ორმოცდაერთი და 88) ლარით; დეტალური გაანგარიშება მოცემულია დანართი №1-ში.

3.2. ანგარიშსწორება მხარეთა შორის ხორციელდება უნაღდო ანგარიშსწორების წესით ხელშეკრულების გაფორმებიდან 5 საბანკო დღეში.

3.3. მხარეები თანხმდებიან, რომ ხელშეკრულების ღირებულებამ, როგორც გაზრდის, ისე შემცირების მხრივ, შესაძლებელია განიცადოს ცვლილებები. ამ შემთხვევაში, ფაქტიური შესრულების შესაბამისად, მხარეთა შორის ურთიერთვალდებულებების დაზუსტების მიზნით ფორმდება შედარების აქტი, რომლის საფუძველზე ხორციელდება საბოლოო ანგარიშსწორება.

მუხლი 4 მხარეთა ვალდებულებანი

4.1. «შემსრულებელი» ვალდებულია:

4.1.1. უზრუნველყოს «აბონენტისათვის» ხელშეკრულების საგნით გათვალისწინებული მომსახურების ხარისხიანი შესრულება ხელმოწერიდან და მე-3 მუხლით გათვალისწინებული ვალდებულების შესრულებიდან 45 სამუშაო დღეში;

4.1.2. გადასცეს აბონენტს წინამდებარე ხელშეკრულების დანართი №1-ით გათვალისწინებული აპარატურა საკუთრებაში.

4.1.3. „აბონენტს“ წარუდგინოს გაწეული მომსახურების შესახებ მიღება-ჩაბარების აქტი.

4.1.4. „აბონენტს“ წარუდგინოს გაწეული მომსახურების საგადასახადო ანგარიშ-ფაქტურა მიღება-ჩაბარების აქტის გაფორმებიდან 5 საბანკო დღეში.

4.1.5. სპეციალური კავშირგაბმულობის სისტემის აპარატურისა და ტელეფონის ჩართვიდან 1 (ერთი) წლის განმავლობაში (საგარანტიო ვადა), უზრუნველყოს დანართი №1-ით განსაზღვრულ გასაწევი მომსახურებასა და აპარატურზე გამოვლენილი ნაკლოვანებების აღმოფხვრა საკუთარი ხარჯებით.

საგარანტიო პირობები არ ვრცელდება იმ შემთხვევაში თუ დაზიანება გამოწვეულია აპარატურის არამართებული ექსპლოატაციით (მათ შორის მისი განთავსების ადგილზე მაღალი ტენიანობით, ელ. ენერჯის ძაბვის ცვალებადობით, ფიზიკური/ქიმიური დაზიანებებით).

4.2. «აბონენტი» ვალდებულია:

4.2.1. უზრუნველყოს «შემსრულებლის» თანამშრომელთა შეუფერხებელი დაშვება იმ ობიექტებზე, რომელიც გამოიყენება ამ ხელშეკრულების პირველი პუნქტით განსაზღვრული საგნის შესრულებისას;

4.2.2. მის ხელთ არსებული ყველა საშუალებით ხელი შეუწყოს „შემსრულებელს“ ამ ხელშეკრულებით ნაკისრი ვალდებულებების შესრულებაში. მათ შორის უზრუნველყოს „აბონენტის“ მფლობელობაში არსებული სპეცკავშირების სისტემის აპარატურისათვის საერთაშორისო ქსელის „ინტერნეტისა“ და ელ.ენერჯის მიწოდება.

4.2.3. ამ ხელშეკრულების მე-3 პუნქტით განსაზღვრული წესითა და პირობებით დღეში შემსრულებლის ანგარიშზე გადაიხადოს ხელშეკრულების ღირებულება.

4.2.4. შეუფერხებლად და უპირატესად გამოუყოს „შემსრულებელს“ მის სარგებლობაში მყოფი ქსელები, არხები და სპეცკავშირის განხორციელებისათვის საჭირო სხვა ტექნიკური საშუალებები. მათ შორის უზრუნველყოს „აბონენტის“ მფლობელობაში არსებული სპეციალური კავშირგაბმულობის სისტემის აპარატურისათვის საერთაშორისო ქსელის „ინტერნეტისა“ (არანაკლებ 512 მბ/წმ) და უწყვეტი ელ. ენერჯის მიწოდება UPS წყაროდან.

4.2.5. უზრუნველყოს მიღება - ჩაბარების აქტით გადაცემული სატელეფონო აპარატურისა და სხვა ტექნიკური საშუალებების შენახვა, მათ შორის ლუქების დაცულობა.

4.2.6. აანაზღაუროს ის ზარალი, რომელიც საკუთარი მიზეზით მიადგა «შემსრულებლის» კუთვნილ ტექნიკურ საშუალებებს;

4.2.7. «შემსრულებლის» თანხმობის გარეშე არ გადაიტანოს სპეცკავშირის სისტემის სატელეფონო ნომერი სხვაგან, აგრეთვე არ ჩართოს პარალელურად სხვა აპარატი, არ დაუშვას მონაცემთა გადაცემის ან სხვა მოწყობილობების თვითნებური ჩართვა ქსელში.

მუხლი 5. მხარეთა პასუხისმგებლობა

5.1. ერთ-ერთი მხარის მიერ ნაკისრი ვალდებულებების შეუსრულებლობის ან არასათანადოდ შესრულების შემთხვევაში, ზიანის მიმყენებელი მხარე დაზარალებულ მხარეს უნაზღაურებს მიყენებულ ზარალს საბაზრო ფასების გათვალისწინებით, საქართველოს კანონმდებლობის შესაბამისად.

5.2. «შემსრულებელი» უფლებამოსილია «აბონენტს» დავალიანების გადაუხდელობის შემთხვევაში შეუწყვიტოს მომსახურება, «შემსრულებლის» მიერ მისთვის მომსახურების შეწყვეტიდან 30 დღის შემდეგ მოშალოს წინამდებარე ხელშეკრულება, გამორთოს «აბონენტი» სპეცკავშირის სისტემით მომსახურების ქსელიდან და მიიღოს ზომები დავალიანების ამოსაღებად;

მიყენებული ზიანისთვის საზღაურის გაცემის და/ან დავალიანების გადახდის შეჩერების შემთხვევაში "შემსრულებელი" უფლებამოსილია "აბონენტს" გადაახდევინოს საურავის სახით ყოველი ვადაგადაცილებული დღისათვის გადასახდელი თანხის 0,1 პროცენტი.

5.3. «შემსრულებელი» საკუთარი ხარჯებითაა პასუხისმგებელი სპეცკავშირის განხორციელებისათვის საჭირო მოწყობილობების დაზიანებაზე იმ შემთხვევაში, თუ დადასტურდება, რომ ასეთი დაზიანება არ არის გამოწვეული «აბონენტის» მიზეზით.

მუხლი 6. ფორსმაჟორული გარემოებები

6.1. ხელშეკრულებაში მონაწილე მხარეები პასუხისმგებლობისაგან თავისუფლდებიან, როცა ხელშეკრულებით გათვალისწინებული ვალდებულებების შესრულება შეუძლებელია საყოველთაოდ აღიარებული ფორსმაჟორული გარემოებების დადგომის გამო.

მუხლი 7. ხელშეკრულების ძალაში შესვლა და მოქმედების ვადები

- 7.1. ხელშეკრულება ძალაში შედის ხელმოწერის დღიდან და მოქმედებს მხარეთა მიერ ვალდებულებების სრულ შესრულებამდე, მაგრამ არაუმეტეს 2015 წლის 31 დეკემბრისა.
- 7.2. ხელშეკრულების გაუქმება დასაშვებია მხარეთა შეთანხმებით.
- 7.3. ნებისმიერი მხარე, რომელიც აპირებს ხელშეკრულებიდან გასვლას, ვალდებულია წერილობით 2 (ორი) დღით ადრე აცნობოს ამის შესახებ მეორე მხარეს.
- 7.4. ხელშეკრულების ცალმხრივად მოშლა დასაშვებია ერთ-ერთი მხარის მიერ ამ ხელშეკრულებით ნაკისრი ვალდებულებების შეუსრულებლობისას.
- 7.5. ხელშეკრულების ცალმხრივად მოშლის შემთხვევაში ხელშეკრულება შეწყვეტილად ითვლება იმ მომენტიდან, როდესაც მხარეები წარმოადგენენ ურთიერთანგარიშსწორების საბოლოო ოქმს.

მუხლი 8. ზოგადი დებულებები

- 8.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან და ვალდებულებანი გაასხვისოს ან გადასცეს მესამე პირს.
- 8.2. 8.1. პუნქტის დებულება არ მოქმედებს, თუ ერთ-ერთი მხარის უფლებები ან/და ვალდებულებანი გასხვისებულია საქართველოს კანონმდებლობით დადგენილი წესით მხარეთა სამართალმემკვიდრეზე.
- 8.3. ხელშეკრულებაში ცვლილებები და დამატებები შეიძლება შეტანილ იქნეს ორივე მხარის წერილობითი თანხმობით. მხარეთა შორის შედგენილი ნებისმიერი წერილობითი შეთანხმება დაერთვება ხელშეკრულებას.
- 8.4. ხელშეკრულება შედგენილია ქართულ ენაზე, თანაბარი იურიდიული ძალის მქონე ორ ეგზემპლარად. ხელშეკრულებას თან ახლავს დანართი, რომელიც წარმოადგენს მის განუყოფელ ნაწილს და ინახება ხელშეკრულებასთან ერთად.
- 8.5. ხელშეკრულება კონფიდენციალურია, მხარეები პასუხისმგებელი არიან მესამე პირისთვის ხელშეკრულების საგანთან დაკავშირებული ინფორმაციის გადაცემაზე, არსებული კანონმდებლობის შესაბამისად.
- 8.6. იურიდიული მისამართის ან მომსახურე ბანკის რეკვიზიტების შეცვლის შემთხვევაში, მხარეები ვალდებული არიან 3 (სამი) დღის განმავლობაში შეატყობინონ ერთმანეთს ამის შესახებ.

მუხლი 9. დავების განხილვა

მხარეთა შორის დავა წყდება საქართველოს კანონმდებლობით დადგენილი წესით.

მუხლი 10. მხარეთა რეკვიზიტები და ხელმოწერები


შემსრულებელი
სსიპ - „სახელისუფლო სპეციალური
კავშირგაბმულობის სააგენტო“
მის: 380038, საქართველო, ქ. თბილისი 9 აპრილის ქ. 2
ს/კ 204429494
სახელმწიფო ხაზინა
სსიპ „სახელისუფლებო სპეციალური
კავშირგაბმულობის სააგენტოსათვის“ – 4003
ხაზინის ერთიანი ანგარიში GE24NB0330100200165022
ბანკის კოდი TRESGE22
მიმღების ანგარიში/სახაზინო კოდი - 7 0771 7121
სააგენტოს უფროსის მოვალეობის შემსრულებელი



ნიკოლოზ დიდიძე

ბ.ა.

აბონენტი
სსიპ - კონკურენციის სააგენტო
იურიდ. მის.ქ. თბილისი, პ. ინგოროყვას N7
ს/კ 205310938
ფაქტ. მის.ქ. თბილისი დ. აღმაშენებლის გამზ. N154
საბანკო რეკვიზიტები: სახელმწიფო ხაზინა
ბანკის კოდი: TRESGE22
ხაზინის ერთიანი ანგარიში



გეორგი ბარაბაძე

ბ.ა.

სსიპ - „კონკურენციის სააგენტო“
 გასაწევი მომსახურებისა და აპარატურის ხარჯთაღრიცხვა

N	აპარატურის დასახელება	განზ. ერთეული	რ-ბა	ერთეულის ღირებულება	სულ ღირებულება
1	ტელეფონი	ც	1	529.00	529.00
2	დახურვის ბლოკი	ც	1	670.00	670.00
3	სვიჩი	ც	1	475.00	475.00
4	სახარჯი მასალა	კაბელი 0.5მ	1	1.16	1.16
		კაბელი 3 მ	3	6.00	18.00
ჯამი:					1693.16
პორტის ღირებულება		ც	1	180.00	180.00
ზედნადები ხარჯი (15%):					280.97
დღგ (18%):					387.74
გადასახდელი თანხა :					2541,88

შემსრულებელი
 სსიპ „სახელისუფლებო სპეციალური
 კავშირგაბმულობის სააგენტო“
 სააგენტოს უფროსის მოვალეობის შემსრულებელი

ნიკოლოზ დიდიძე

ბ.ა.

აბონენტი
 სსიპ „კონკურენციის სააგენტო“

სააგენტოს თავმჯდომარე:

გიორგი ზარაბაძე

ბ.ა.